

Hirntot

Heller Wumest

E graui, toti Masse zieht jede Morge
Zur Arbeit dür d Strasse für d Gmeinschaft z sorge.
Im Sinn vor Bequemlechkeit louft alles nach System.
Das roubt zwar vill Freiheit, doch isch das kes Problem;
Jage muess niemmer meh und d Bluetlust
Wird gärn gstillt am Fernseh, doch glich gits Frust.
Drum schiesse glägentlich Buebe mit Waffe
Uf Schüeler närluf sich und anderi gaffe.

Hirntot
Gliichschritt im Takt vo Motore
Hirntot
Wärt verloore

Fleisch gits im Chuelregal, o Fetti si bluetrünstig.
Wos härchunnt isch egal, houptsach s isch günstig.
Z Internet, dr nöi Gott, spändet Säge
Pornos kontra Alltagstrott wirke dr Einsamkeit entgäge.
Fählt mal dr Läbeswille und o dr Muet,
Bruchts nur di rächti Pille, närluf isch alls guet.
We es Zahnrad glich verseit ir Maschine,
De wirts uf d Site gleit, Ersatz chunt ine.

Hirntot
Gliichschritt im Takt vo Motore
Hirntot
Wärt verloore